

監本春秋穀梁注疏文公卷第十一

起九年
盡十八年

范甯集解

楊士勛疏

九年春毛伯來求金求車猶可求金甚矣

凱

求俱不可在喪尤甚不稱

疏

注在喪尤甚。釋曰求賻亦在喪不言尤甚者在喪有賻

無金故求賻比求金為輕求車不在喪又可於

求賻故傳云求車猶可凱云在喪求金尤甚

○夫人姜

氏如齊

歸亭

○二日叔孫得臣如京師京大也師

衆也言周必以衆與大言之也

疏

京大至言之也。釋曰不

發於桓九年者內之如京師始於此故發之季姜非魯女故彼處不發雖略不發傳亦同此可知也

○辛丑

葬襄王天子士心崩不志葬舉天下而葬一

人其道不疑也志葬危不得葬也

不得備禮葬

疏

天子至葬也。○釋曰：重發傳者，桓王七年始葬襄王，則七月而葬，嫌異故重發之也。日之甚矣其

不葬之辭也。

王室微弱，諸侯無復往會葬。○復扶又反。疏：王室至會葬。○釋曰：魯不會葬。

則無由得書而云。王室微弱，諸侯無復往會葬者，天子志崩不志葬，而又書曰是不葬之辭，故知諸侯無復往會者也。其實魯卿往會始書，若不會則不當書也。故春秋之世有十二王志崩者，有九書葬者，唯五耳。良由王室不赴諸侯，不會故也。志崩有九者：平王、桓王、惠王、襄王、匡王、定王、簡王、靈王、景王是也。書葬有五者：桓王、襄王、匡王、簡王、景王是也。其莊王僖王、頃王三者不志崩，為不赴故也。然則天子不合書葬，魯史書之者，欲見周室之衰，不得備禮而葬，因遣使往會，則錄之若不遣使，則葬不明，故不錄也。傳稱不志葬者，據治平之日，正法言之也。○晉人殺其大

夫先都。○三月，夫人姜氏至自齊，卑以尊致。

病交公也。

夫人行例不致，乃以君禮致。刺公寵之過。○刺七賜反。

疏

注：夫人至之過。○釋

曰：范氏例云，人行有十二例，時此致而書月者，蓋以非禮而致，故書月以刺之。餘不書月者，當條皆有義耳。夫人行十

二者文姜七如齊再如莒是九也夫人姜氏會齊侯于陽穀
十也夫人姜氏會齊侯于卞十一也并數此夫人姜氏是十
二也徐邈云早以尊致有文公娶齊大夫女為妻故初逆姜
氏不稱夫人今致以夫人禮與逆自違故疾公也范云夫人
行例不致乃以君禮致刺
公寵之過則與徐異也 ○晉人殺其大夫士穀及

箕鄭父稱人以殺誅有罪也鄭父累也○箕居其

反 ○楚人伐鄭 ○公子遂會晉人宋人衛人許

人救鄭 ○夏狄侵齊 ○秋八月曹伯襄卒 ○九

月癸酉地震震動也地不震者也震故謹而

日之也穀梁說曰大臣盛將動有所變 (疏) 癸酉地震 ○釋曰范例云地震五例曰故此亦日也何休

徐邈並云由公子遂陰為陽行專政之所致今范引穀梁說曰大臣盛將動有所變則與二說同理亦無妨 ○冬

楚子使蔣來聘楚無大夫無命卿 ○蔣子遙反又子小反或作蔣左氏作

椒

其曰萩何也以其來我襃之也

〔疏〕

楚無至之也○釋曰

既襃之而書名所以不稱氏者公羊傳云許夷狄者不一而足理或然也

○秦人來歸僖公

成風之襚秦人弗夫人也

言秦人弗以成風為夫人故不言夫人

即

外之弗夫人而見正焉

見不以妾為妻之正○見賢遍反

○葬曹

共公

○共音恭

十年春王三月辛卯臧孫辰卒○夏秦伐晉

○楚殺其大夫宣申

僖四年傳曰楚無大夫而今云殺其大夫者楚本祝融之後季連之

胃也而國近南蠻遂漸其俗故棄而夷之今知內附中國亦轉强大故進之○曹直又反國近附近之近

〔疏〕

楚本

至進之○釋曰國語與楚世家文也

○自正月不雨至于秋七月歷

時而言不雨文不閔雨也不閔雨者無志乎

民也○及蘇子盟于女栗

女栗某地蘇子周卿士○女音汝

○冬

狄侵宋○楚子蔡侯次于厥貉

厥貉某地也貉亡白反

十有一年春楚子伐麋

○麋九倫反

○夏叔彭生會

晉卻缺于承匡

承匡宋地○缺苦悅反

○秋曹伯來朝

○朝直遥

反○公子遂如宋○狄侵齊○冬十月甲午叔

孫得臣敗狄于鹹不言帥師而言敗何也

據僖元年

公子友帥師敗莒師于麗獲莒拏稱帥師○敗必邁反鹹音咸麗力知反拏女居反

直敗一人之

辭也一人而曰敗何也以衆焉言之也

言其力足以敵

衆疏

直敗至言之也○釋曰公子友與莒拏戰唯二人相敵亦是直敗一人彼言帥師此不言者季子與莒拏

並將軍衆而行之雖決勝負以其俱有徒衆故經書帥師今叔孫與魯之衆止敵一人故但言敗不言帥師也

傳

曰長狄也弟兄三人佚宕中國

佚猶更也。佚宕大結反更也。害本

又作宕更音庚

瓦石不能害

肌膚堅強瓦石打擲不能虧損。強其丈反。擲直隻反。

叔

孫得臣最善射者也射其目身橫九畝

廣一步長

百步為一畝九畝五丈四尺。射其食亦反下注同廣古曠反直亮反。

疏

注五丈四尺。春秋考異郵云

兄弟三人各長百尺別之國欲為君何休云長百尺范云五丈四尺者讖緯之書不可悉信以此傳云身橫九畝故知是五丈四尺也杜預注左氏云三丈唯約國語仲尼稱雋僬長三尺大者不過數之十非經正文故范所不信注高三尺三寸知者考工記云兵車之廣六尺有六寸又以其廣之半為之軾崇是軾高從上而下去車版三尺三寸橫施一木名之曰軾

斷其首而載之眉見於軾

兵車之軾高三尺二寸。斷丁管反

見賢徧反軾音式

然則何為不言獲也

據莒拏言獲

曰古者不

重創不禽一毛故不言獲為內諱也

不重創恤病也不禽

二毛敬老也。仁者造次必於是，顛沛必於是，故爲內諱也。既射其自，又斷其首，爲重創鬢髮白爲二毛。○重直用反，注同。創初羊反，爲內于僞。疏曰：古至諱也。○釋曰：或以春秋本反造七報反，沛音貝。自不應書經，何諱之有？穀梁以不重創爲諱，其理非也。今知不然者，以長狄兄弟更害中國，禍害爲深得，臣能立功於一時，而標名於萬代，其庸大矣。若其不諱，何以不書？且晉獲潞子，尙書於經，魯獲長狄棄而不錄，詳內略外之義，豈其然哉？知內諱之言爲得其實也。其

之齊者，王子成父殺之，則未知其之晉者也。

疏

其之至者也。○釋曰：公羊傳云：兄弟三人，一者之齊，一者之魯，一者之晉。何休云：三國各欲爲君，象周衰禮義廢，魯成就周道之國，齊晉霸者之後，此三國爲後欲見中國

皆爲夷狄之行，范雖不從，何說理亦無妨。○未知其之晉者也。○釋曰：之魯者，叔孫得臣殺之，之齊者，王子成父殺之，謂其之晉者，史傳不記，未知殺者姓名是誰也。

十有一年春，王正月，郕伯來奔。

○郕音成。

杞伯來

朝。

僖二十七年，稱子今稱伯。蓋時王所進。○朝直遙反。

○二月庚子，子叔姬

卒其日子叔姬貴也公之母姊妹也

同母姊妹

疏

公之母姊妹也。釋曰傳稱其日子叔姬貴之也公之母姊妹也則似稱子以明貴是以錄其卒未必由公之母姊妹上下意乖者上傳云公之母姊妹解其稱子所由明貴則書卒幾乃不錄也下傳云許嫁以卒之也欲見其雖貴非許嫁不書上下二傳足成非乖也許嫁乃書卒者以其則貴之漸故也徐邈云上傳云子叔姬者杞夫人見出故不言杞下傳云許嫁者言是別女非杞叔姬也其一傳曰許嫁以卒之也理亦足通未知范意然否

也男子二十而冠冠而列丈夫三十而娶女

子十五而許嫁二十而嫁

禮二十而冠冠而在丈夫之列譙周曰國不可

久無儲貳故天子諸侯十五而冠十五而娶娶必先冠以夫婦之道王教之本不可以童子之道治之禮十五為成童以次成人欲人君之早有繼體故因以為節書稱成王十五而冠著在金縢周禮媒氏曰令男三十而娶女二十而嫁內則云女子十五而笄說曰許嫁也是故男自二十以及三十女自十五以及二十皆得以嫁娶先是則速後是則晚凡人嫁

娶或以賢淑或以方類豈但年數而已若必差十年乃爲夫婦是廢賢淑方類苟比年數而已禮何爲然哉則三十而娶二十而嫁說嫁娶之限蓋不得復過此爾故舜年三十無室書稱曰鰥周禮云女子年二十未有嫁者仲春之月奔者不禁奔者不待禮聘因媒請嫁而已矣甯謂禮爲夫之姊妹服長殤年十九至十六如此男不必三十而娶女不必二十而嫁明矣此又士大夫之禮。冠江與反娶七佳反譙在遙反筭古今反先是蘇徧反後是戶豆反比毗至反或如字得復狀又反鰥古頑反禮疏注禮二至之禮。釋曰先儒多以爲于僞反長丁丈反周禮媒氏三十之男二十之女限以年數故范引譙周以爲證下取禮文以爲早嫁之驗或以賢淑者若文王之娶大姒是也或以方類者左傳稱鄭世子忽云齊大非吾偶是也此又士大夫之禮者著喪服所言多陳士大夫之禮猶不待二十明諸侯以上早娶禮在不疑也案尚書金縢無成王十五而冠故彼鄭注云天子諸侯十二而冠成王此年十五於禮已冠而爵弁者承天變故降服也今譙周云成王十五而冠著在金縢者先儒鄭玄之徒約大戴禮以爲文王崩之明年成王始生文王年十五生武王文王九十七而終則終時武王年八十三矣崩之明年武王年八十四也武王九十三而終則武王崩時成王年十歲可知

耳周公攝政必在除喪之後是周公初攝政之時成王年十
 二金縢稱始欲攝政即羣叔流言周公居東二年罪人斯得
 乘前之年是成王十四年秋始感大風之變王與大夫盡弁
 以啓金縢之書是啓金縢時成王年十五又書傳云四年建
 侯衛則周公復居攝四年作康誥也又書傳云天子年十八
 稱孟侯作康誥之時成王稱孟侯則成王年十八矣周公居
 攝四年成王十八年自然啓金縢迎周公之時成王十五故
 譙周亦以啓金縢時爲成王年十五尙書特云王與大夫盡
 弁明則始冠之年故云十五而冠謂在金縢也鄭云天子諸
 侯十二而冠者約左傳魯襄公之年耳更無正文可據故范
 亦不從

○夏楚人圍巢○秋滕子來朝○秦伯使

術來聘術秦大夫○冬十有二月戊午晉人秦

人戰于河曲河曲晉地不言及秦晉之戰已亟故

略之也亟數也夫戰必有曲直以一人主之二國戰鬪數
 曲直不可得詳故略之不言晉人及秦人戰○亟

去冀反數也注同疏不言至略之也○釋曰七年戰于令狐季

孫行父帥師城諸及鄆稱帥師言有難也。難

乃旦反疏言有難也。釋曰凡城之志皆譏今傳云有難則

師之意耳得此城得時又畏莒爭鄆書雖是譏情義通許故傳以有難釋之不言譏之意也

十有二年春王正月○夏五月壬午陳侯朔

卒疏陳侯朔卒。釋曰世本是陳共公也○邾子籛條卒。籛其居反

疏邾子籛條卒。釋曰左傳是文公也○自正月不雨至于秋七

月○大室屋壞屋者主於覆蓋明廟不都壞。大音泰傳皆同大室屋壞

者有壞道也譏不脩也大室猶世室也。世世

室故言世室疏有壞道也。釋曰高者有崩道下者有壞道既

豈有敗壞之理故書以譏不敬也成五年梁山崩傳云高者有崩道山有崩道又不可繕脩之物而亦書之者刺人君無

德而致天災令山崩河壅怪異之大故亦書之然山高稱崩屋下言壞而序稱禮壞樂崩釋云通言之者以禮樂無高下之殊故知爾雅曰室有東西廂曰廟周公曰大廟伯禽曰大室通言之

羣公曰宮

爾雅曰宮謂之室室謂之宮然則其實一也蓋尊伯禽而異其名

疏

注爾雅至

其名。釋曰此下注所引並爾雅釋宮之言有東西廂者謂有夾室也傳知周公曰大廟伯禽曰大室羣公曰宮者禮記明堂位云季夏六月以禘禮祀周公于大廟哀三年桓宮僖宮災是周公稱大廟羣公稱宮此經別言大室明是伯禽廟公羊傳為世室言世世不毀世與大意亦同耳禮宗廟之事君親割割性君親割。釋曰徐邈云禮記曰君執鸞刀而割牲是也然彼據初殺牲之時非是割牲之事徐言非也夫人

親春

春案盛

敬之至也為社稷之主而先君之

廟壞極稱之志不敬也

極稱言屋壞不復依違其文。復扶又反

冬

公如晉○衛侯會公于泚

泚地也。泚徒荅反

狄侵衛

○十有二月己丑公及晉侯盟還自晉還者

事未畢也自晉事畢也

疏

還者至畢也○釋曰知自晉是事畢者以

其與致文同故知是事畢傳知還是事未畢者以未至國都而鄭伯會公于棐故知是未畢春秋上下書還者有四莊八年秋師還傳曰遜也今自晉為事未畢而言嫌不得如彼例故復發傳宣十八年歸父還自晉嫌君臣異故復發事未畢之文襄十九年晉士句帥師侵齊聞齊侯卒乃還嫌外內異故亦復發傳云事未畢也還例有四范別例云三者蓋直據內為三不數外臣故也

○鄭伯會公于棐

棐鄭地○棐芳匪反

十有四年春王正月公至自晉○邾人伐我

南鄙○叔彭生帥師伐邾○夏五月乙亥齊

侯潘卒

○潘浦干反

疏

齊侯潘卒○釋曰世家及世本是齊昭公也

○六月公

會宋公陳侯衛侯鄭伯許伯曹伯晉趙盾癸

西同盟于新城

新城宋地

同者有同也同外楚也

疏

同外楚也。釋曰春秋書同盟非一傳或有釋亦有不釋就不釋之內辭又不同所以然者莊公之世二幽之

盟于時楚國未強齊桓初霸直取同尊周室而已故傳云同尊周也及邵陵首止之徒楚不敢與爭褒大齊桓故不復言同當文公時楚人強盛而中國畏之命同盟詳心外楚不復直能尊周室而已故傳釋之云同外楚也斷道書同傳云外楚也則清丘亦是外楚故傳省文也舉斷道以包上下則蟲牢馬陵蒲之與戚柯陵虛打之類亦是省文可知同盟雞澤復發傳者楚人轉盛中國外之彌甚故更發之則戲盟及京城重丘之等亦其義也平丘又重發外楚之文者平丘以下中國微弱外楚之事盡於平丘從此以後不復能外故發傳以終之也

○秋七月有星孛

入于北斗孛之爲言猶茀也其曰入北斗斗

有環域也

據孛于大辰及東方皆不言入此言入者明斗有規郭人其魁中也劉向曰北斗貴星人

君之象也茀星亂臣之類言邪亂之臣將並弑其君○孛步內反茀李軌扶憤反徐邈扶勿反一音步勿反又音弗邪俄

啖反弒
音試

○公至自會○晉人納捷菑于邾弗克

納是邾克也其曰人何也微之也何爲微之

也長轂五百乘縣地千里

長轂兵車四馬曰乘一乘甲士三人步卒七十

二八五百乘合三萬七千五百人縣猶彌漫○捷菑在接反下側其反轂古木反乘繩證反卒子忽反

疏
之微

也○釋曰不言貶之者以非專惡之稱故傳言微之而已過宋鄭滕薛負人千乘

之國欲變人之主

負猶遠也變人之主謂時邾已立纘且邾小國而言千乘者大邾克

之事○負況盛反

至城下然後知何知之晚也

征不廟筭正其得失

勞師遠涉乃至城下邾以義拒然後方悟貶之曰人不亦宜乎○悟五故反

弗克納未伐而

曰弗克何也弗克其義也

非力不足義不可勝

捷菑晉

出也纘且齊出也

姊妹之子曰出

纘且正也捷菑不

正也

正適○適丁歷反

○九月甲申公孫敖卒于齊奔

大夫不言卒而言卒何也

據閔二年公子慶父出奔莒後不言卒

爲

受其喪不可不卒也其地於外也

成十七年公孫嬰齊卒于

狸蜃傳曰其地未踰竟宣八年仲遂卒于垂垂齊地然則地或踰竟或未踰竟凡大夫卒在常所則不地地者皆非其常所隨其所在而書其地耳不孫於踰竟與不踰竟

○爲于僞反狸力之反蜃市軫反竟音境並同

疏

其地於外

也○釋曰此與公孫嬰齊卒于狸蜃傳皆釋之宣十年仲遂卒于垂而傳不釋者此公孫敖卒于齊之國內故傳釋之曰其地於外也明在他國而卒公孫嬰齊卒在魯竟內故傳釋之曰其地未踰竟明非他國也二者既已發傳垂是齊地非是他國都又非魯竟內在

○齊公子商人弑其君舍

舍未踰年其曰君何也成舍之爲君所以重

商人之弑也

舍不成君則殺者非弑也○殺其音試本又作弑

商人其不